

牧

齋

初

學

集

牧齋初學集卷第十二

霖雨詩集

起丁丑五月盡一年

閏四月二十五日下刑部獄尚書侍郎暨臺  
諫郎署相見者五十餘人久旱次日大雨劉  
敬仲司空迎謂曰此霖雨之徵也余笑曰安  
知不曰亨弘羊天乃雨乎因以霖雨名其詩  
云

送姚方伯

永濟

復官

解網殊恩應禱求褰帷重許鎮方州旄頭角動  
催庚癸索口星移向斗牛竹馬舊童迎去憶桑

林新雨拂行輶高牙大纛尋嘗事還爲東南借  
一籌

洮河石硯歌爲劉君作兼呈宋中丞祖舜  
君不見本朝興圖軼秦漢洮河今爲國西岸肅  
慎括矢恒來庭丁零牛羊可併案洮河之研玉  
比堅踰羗絕塞來幽燕廣廈細旂曾貯此枹罕  
西項在眼前白山小奴游龜久傳烽漸近登津  
口高麗繭紙阻職貢鼉磯島石煩戍守老夫捧  
硯自躊躇拂拭還君三歎餘豈知飛檄磨厓手  
牘背相隨獄吏書

送丘俞二將軍

佩印曾經擁節麾荷戈今復戴恩私  
卽看夏雨平反日又是秋風選將時  
索虜共驚新壁壘島夷還識舊旌旗

俞故名將大敵之子

白頭未試猿公術短後猶堪作健兒

贈別鄭仰田高士

徒步追尋萬里餘飄然南下似投虛  
賁持仙草當乾楔摒擋空箱出蹇驢  
閑代天符分雨滴狂隨墜子掉雷車  
慢亭雲鶴時相過定有空中寄我書

獄中雜詩三十首

支撐劒舌與槍唇坐臥風輪又火輪不作中山  
長醉客除非絳市再蘇人赭衣苴履非吾病厚  
地高天剩此身老去頭銜更何有從今祇合號  
罷民

其二

夜柝驚呼夢亦便晝應如夜夜如年都將永日  
銷長繫只倚孤魂伴獨眠晝獄脚跟還有地覆  
盆頭上不多天此中未悟逍遙理枉讀南華第  
一篇

其三

遷史空留貨殖文  
竹刑葦籍正紛紛  
國中安得魯男子  
天下無如王長君  
黠鼠晝巡添伴侶  
蒼蠅夜息斷知聞  
斗牛側畔千將氣  
早晩光芒定屬雲

燕人鄭師玄知天象云去年冬貫索星明主有大入獄明公當之矣

其四

衣冠楷萃此相遭  
狴犴中間小市朝  
敢祖詩書輕法律  
權祧孔孟事臯陶

獄神廟相傳爲臯陶

園扉地竝綸扉  
隘鈴柝聲如鈴索  
遙夢將樓船渡皮島  
欲從詹尹問何妖

其五

通籍判章目互除恰如朝市有盈虛誰教長者  
爲方筭更便刑徒習隸書悼往雞羣看斷尾謀  
新鼠穴夢乘車閑中簡點人間事憂患祇應識  
字初

其六

紛紛燕獄上書人

天語連章戒瀆陳

凡上疏陳辯皆

奉旨曰

不得實陳

豈有孤臣淹棘木漫勞

溫旨下楓

宸傷心尚點絲綸簿炙手還逢丞相嗔猶有憂  
時心未已雞鳴風雨歎斯晨

其七

貫城西畔鐵城幽，紂絕陰宮抵夢游。  
側席深居皆虎尾，負牆離立總牛頭。  
風傳暗柝千般恨，月照圓狴別樣愁。  
謾道繁霜飛六月，葭沉灰冷轉悠悠。

其八

聖世孤生忍自裁，夏臺頌繫比春臺。  
深慙黃霸傳經至，傳給事右君胡行人雪田皆來執經敢趣朱游和藥來。  
加劔空餘繫水炤，持刀偏畏鼓聲催。  
書生何用憐文季，投匭於今厭草

其九

訓狐白日向人呼罔兩中宵問影孤有室端堪  
容兩膝無牀何處認雙趺月窺圓戶如愁繫風  
送更籌似逐逋唯有羈人甘索處塊然窮鳥觸  
籠隅

其十

驕陽初伏正乘權窟室薰蒸劇可憐爍石只應  
圓土爛流金不見鐵圍穿西天却受炎方苦詔微  
指西曹大地都愁劫火然獨有老夫誇矍鑠更  
爲西天思曳足看飛鳶

其十一

三韓殘破似遼西  
竝海緣邊盡鼓聲  
東國已非箕子國  
高驪今作下句驪  
中華未必憂寒齒  
羣虜何當悔噬臍  
莫倚居庸三路險  
請封函谷一丸泥

逆虜吞併高麗奪我屬國中朝置之不問

其十二

漫漫長夜旦何期  
無復平分辨四時  
苦雨淒風差耐得  
薄寒小病亦相宜  
天荒地老餘園土  
鬼爛神焦見積屍  
坐斷波吒真地獄  
不繇羅刹不慈悲

其十三

四序司刑盡爽鳩何須葉落始悲秋  
心情好處渾中惡風月佳時不抵愁  
送去紙錢新鬼市汲來井水伏屍流  
八寒陰獄長如此縱有陽春到此休

其十四

此中不省是何方地絕天通限堵墻  
玄鳥避巢無四序獄中無燕燭龍迴駕少三光  
枯骸每與人爭坐白晝頻看鬼亂行  
唯有六時鐘鼓發燈殘夢斷也徬徨

其十五

台星落落夜寥寥咫尺垣牆貫口遙大有羯奴  
侵上國可無司馬相中朝廷登近日金甌易夢  
卜頻年沙路囂綸閣園扉多故事與君分墀祭

臯陶

入獄祭臯陶見范滂傳本朝  
小說亦載入閣祭臯陶事

其十六

易水波騰碣石翻修羅一掌障乾坤知交踈踏  
憂連坐僮僕倉皇擬叫閹美酒經時澆漢獄愁  
腸終夜繞吳門却憐痛定仍思痛病悻頻將白

首捫

其十七

霜慘雲繁鎖鐵扉  
茶香酒事都非  
南冠潦倒  
憐烏帽獄卒踉蹌認白衣  
人比籬花何許瘦身  
如朔鴈幾時歸  
遙知四海登高會  
多指燕山酹  
夕暉

九日

其十八

微道嚴更護棘叢  
果然牢獄不通風  
安知獄卒  
尊如此始信吾生  
固有窮  
白日可能迴  
地底綠  
章何處達天中  
斗魁直下天牢在  
午夜依然繞  
帝宮

其十九

熒熒宿火焰黃昏  
撼撼寒風打席門  
每借愁端支永夜  
都憑噩夢返羈魂  
功名過眼籌燈在  
世事從頭倒枕論  
睡起懜騰扶白首  
可知羅網是君恩

其二十

漁灣蟹舍互黃緣  
萬樹寒梅罨畫舫  
嫩綠放檐依候足  
竊紅出水受風偏  
鈿車每惜飛花地  
簾閣尤宜小雨天  
夢斷江南好春事  
與君獄底話

神仙

與劉敬仲談江南風景因次其韻

其二十一

黑獄沉沉白日昏嚴更况復警重門難尋伴侶

憑形影欲達音書托嚮言

見晉書五行志

晷短蕭條逢

減劫夢長迢遞歸魂亦知遙夜相思處燈燼

香消半席溫

其二十二

廿年齊聽景陽鐘投老衣冠此地逢祝去詛來

如有恨單行卻立豈爲恭

獄中巷道狹隘相并遇者皆側立讓行馬

頭會聚攢蜂觸接跡經過折蟻封卻笑凍蠅思

附驥穴窻何日得從容

其二十三

欲隨短景斷愁腸，可耐嚴更又許長。  
謝客蟪蛄收冷戶，依人蟋蟀守空牀。  
耗磨膏火三分漏，領略寒威一番去。  
霜傳語司空休起舞，鳴雞暗鴈總堪傷。

其二十四

經年獄底阻艱危，狂鳥投籠馬就羈。  
尊者夢中曾示現，十五年前夢多生爲金馬道人與老僧。  
尊者說法以評論故應受業報  
海上已先知，丙子歲吳門王生謁普作有老僧  
難不免行也蓬蒿環堵彈琴處，方丈毗耶宴坐時。  
一難行也

行宗風都會得信知調伏是便宜

其二十五

半椽恰受向隅人矮屋還憎墊角巾穴紙聲疎  
魚網舊啄門響密雀羅新床多臥筆應知懶架  
少繙書始覺貧最是催詩并問字每於清夜惱  
比鄰

其二十六

蕭辰嚴獄應彫枯風急周廬警夕呼身老蟬衣  
窄尔雅道窮蛛網悶陰符寒冰著面生稜角饑  
火迴腸轉輓轡遙夜歌聲正三闋始知回也是

吾徒

夜聞傳石  
君歌聲

其二十七

六街鼓息五更頭  
葦席單衣萬事休  
已見騎驢臨獨柳  
曾看走馬向長楸  
革膠一夜離肝腎  
牙齒何年長觸髅  
東閣免歸西市死  
夕陽亭下總悠悠

其二十八

良友冥冥恨夜臺  
寡妻稚子尺書來  
平生何限彈冠意  
後死空餘挂劒哀  
千載汗青終有日  
十年血碧未成灰  
白頭老淚西窗下  
寂寞封題一

鴈回

臨邑故司馬夫人命其子走書相唁

其二十九

溪柳冥濛比雪寒竹堂月舫思漫漫

柳溪竹堂皆先世第

宅

也好花筆禿珊瑚架惡草匙荒雲母盤斟雉羹

調誰進御持螯酒熟且加餐可憐警枕英雄老

夢斷湘靈瑟未闌

皆吾家譜謀故事

其三十

皇覽揆余初度時松醪春酒菊花枝千金稱壽  
慚親串一物全生荷聖慈老眼畫圖行聚米  
虛窻料敵坐圍棋成都桑樹衡山芋剔盡寒燈

夜話遲

九月二十六日劉尚書諸公釀酒爲壽

送馬巽倩歸會稽

諸公紛紛趨貫城子出我入如踐更子罷呼囚  
我趣上恰如除目刊姓名多子僂行相問訊執  
手顧視心怵怵天地爲籠逝何所欲哭欲泣皆  
不成是時當路正炙手同文之獄初煩興端禮  
門前舊鐫刻格天閣下新題評羅鉗吉網平錯  
拒子虛烏有相枝撐杯裡無蛇我所悉水中有  
蟹那能平和藥趣來手欲戰然灰被溺目敢瞪  
閉口捕舌豈容遁排山壓卵孰與爭骸骨已分

填牢戶。覓夢猶想歸柴荆。聖主聰明察庶獄。  
小臣愚闇偷殘生。竈火撲滅乞兒散。社樹斫伐  
妖狐驚。台階中坼卷舌曲。斗閒索口還崢嶸。與  
子開口方一笑。抗手卽路難爲情。我爲老寡坐  
幽閉。子如稚婦初歸寧。蓬孌嫻媚不相似。槌床  
撫枕俱屏營。原澤蕭蕭鴻鴈少。江河悽悽多甲  
兵。登山臨水何處所。送子目斷秋蓬征。東中風  
土良不惡。弋釣採藥聊意行。逸少故有濟世志。  
安石肯忘東山盟。西陵驛樓過騁望。東土人士  
多逢迎。牘背何繇具書尺。因風哽咽遙寄聲。琅

璫白首尚無恙爲我炷香謝 聖明

題杏花宮人圖爲傅右君

閒撥銅鑊看淚痕春風取次到長門  
監宮傳報天顏喜紅杏花開滿禁垣

題畫二首爲傅右君

策星夜動王良馬車騎紛紛滿郊野  
幽并好馬胡兒騎迴鞭蹴踏長城下  
今年雲中開馬市百金一馬胡人喜  
金繒壓鞍革捫酒齊唱吳歌度遼水  
老髯奚官立道傍佇看烙印黯悲傷  
莫輕此馬爲胡種曾秣天閑十二坊

東奴掠我馬汰其疲驚者以予

西虜西虜卽以入市  
太僕寺烙印宛然

右牧馬圖

南山白額毛蟲祖掉尾磨牙踞林莽噬人不肯  
避豪賢狡獸輕禽敢余侮壯士髮植風蕭騷身  
掠虎落禽咆哮應弦飲羽目一瞋拉押雨血摧  
風毛倒載攔班出叢薄山虞高眠野樵樂寄言  
尋斧休放縱還爲深山惜藜藿

右射虎圖

李將軍

國樑

挽詞二首

飛將名空在封侯事忍論死爲明國法生敢負

君恩棄市沙場血吞胡鴈鬼冤古來推轂者先  
與鑿凶門

其二

未見東奴滅其如西市何國殤應會鼓虞殞已  
聞歌獨石邊墻在中朝敘蔭多誰懸藁街首爵  
酒向銅駝

咏雪三十韻

凜凜園中暮漣漣雪下遲雲同天黯淡霰集地  
離披肅氣金方積嚴威玉律宜臺烏紛淺色林  
棘稍皴枝帶殺來鳩署分寒出鳳池猶嫌霜稜

去薄肯放日華滋嘉石堆盈矩圓扉穴刺規刀  
山尖矗矗鈴索墜纍纍病栢封枯削孤篁壓倒  
垂牛頭噉變赤鵠面苦藏鰲厚集俄成陣輕飛  
故薄惟酸風助饕虐凍雨聚淋漓清濁客霑灑  
乾坤任剔削彌漫巾地網簾頓駕空篩粉飾都  
無隙恢張詎有涯菊花何太苦柳絮恐非時虎  
穴誠難滿孤踪或暫夷漏壺冥旦晦岸谷混高  
卑半塞亡羊徑平填問馬岐橫空真跋扈失路  
亦迷離溷廁那會避污泥總未差如何瓊玖質  
翻作糞溲資瑩訐瑤臺碎清嗟玉尺墮何當依

瑣闥重與集，杲恩繞徑行。防滑穿簾坐，苦危聽  
窻分歎噫。將策試扶持，悶想陪鯁。酒閑搜合闌，  
詩槎枒生肺腑。皎潔見鬚眉，屯甲怜毛蝟。封侯  
惜手龜，老夫堪一噓。臥憶蔡州師。

雪夜次劉敬仲韻

冷壁寒燈焰欲收，卅年身計一狐裘。雪花似掌  
難遮恨，風力如刀不斷愁。鳶攫高樓仍拉摺，鼠  
爭深穴正啁啾。殘年大有拚身處，美酒盈船共  
拍浮。

贈潞安孫道人詩

并序

道人往游新二却病起死其効如神約友人程  
孟陽訪余於虞山而不果余復官赴闕從新城  
王司馬沁水孫司農問道人在所二公許爲余  
延致之亦不果今年聞余有逮繫之禍重繭千  
里問余於請室道故悲今相向歎息且約候余  
南還策蹇追隨共了還丹大事余感其意作是  
歌以贈之并以訂其行焉

道人昔踏天都峯倒吸黃海食芙蓉道人今居  
太行脊手捫天井煮白石今年訪我南冠囚霜  
風裂面雪覆頭墜馬折腰臥旅店十日不食寒

無表古來神仙多奇驚英雄迴首人間事放驪  
老將青城客椎龍少年倉海使君今已作愚谷  
叟肝膽輪囷尚如斗蹇驢摺紙著巾箱鐵彈如  
風藏腦後君不見新城司馬氣食虎八十邊庭  
撫驕虜又不見沁水尚書磊落人顧盼霜稜起  
眉宇昔年執手禁城闌閣道周廬旦復晨沁水  
每憂當路犬新城欲購解飛人  
王司馬詢余欲購解飛人教虜  
余舉王莽傳答之一笑而止  
我從二公問孫老擬學還丹事  
幽討二公笑我太早計擲却金蓮想火棗十載  
推移陵谷中可憐猿鶴與沙蟲宣雲屬虜填遼

水澤潞知交，酌朔風。我得幽囚，豈非幸尚有殘。  
生坐智井耳，豁依然。箭著癡頭，童恰似頸生癭。  
羊羔酒熟歲云暮，我心不留君。且駐君如朔鴈，  
我越鳥相將會。逐南枝去，虞山亦是一仙山。丹  
井銀筒，紫翠閒結字。平臨兩湖水，朝飛丹鷁，莫  
呼還。

次韻劉敬仲寒夜六首

寂寂寒廬弔影孤，咄嗟何計復彫枯。心如抱杵  
頻春碓，身似投曉未入壺。憔悴移時枯樹賦，淒  
涼繞屋北風圖。長吟小飲猶堪樂，愁坐書空定

不須

其二

小窻颯拉過歸鴉凍口銜寒陣不譁悶取青編  
占木稼閑梳白髮鬪霜華差池梁燕恒辭社落  
薄巢鳩不置家漫道雪飛如柳絮可隨離夢到  
天涯

其三

尚有乾坤容傲兀可無環堵置琴樽望衡對宇  
躬耕地流水青山獨樂園零雨故應悲在野停  
雲何必歎同昏縞衣夢斷梅千樹月落參橫與

晤言

其四

故山松桂傍人閒，不出林泉不閉關。  
綠浪水迴新竹迳，紅欄橋繞舊漁灣。  
穿雲臥石何曾鬧，抹月批風也未閑。  
有日隣僧共扶老，綠溪略約試梅還。

其五

皮島傳烽數夜驚，綠林銅馬苦縱橫。  
憐才可但旌當轍，使過終須赦絕纓。  
急繕橐街懸雜種，更營京觀待長鯨。  
至尊自定金湯計，作頌休誇

統萬城

恭聞  
城落句

聖駕閱  
漫記

其六

結蘭延佇自幽幽解佩何當怨蹇修  
騏驥生難逃係繼鯨鯢死不爲吞鈎  
人間有賦難名別天上無方可寄愁  
投老王官尋二士築亭吾亦記  
休休

再次敬仲韻十二首

白髮盈頭不耐刪無才老子剩痴頑  
摩娑安明鏡看生面吟咀殘書理舊  
顏愧我勞人殊草草輸  
他桑者自閒閒江南路在春明外  
落日飛鴻山

外山

其二

不知何罪畫衣冠肯信眉於眼下安路入藕絲  
行偏側身藏針孔坐艱難穴中烏鼠眠方穩水  
底魚龍臥亦寒祇恐清宵又成夢幾迴撫枕到  
更闌

其三

四壁霜華促曙光中腸結軫重增傷涉江楚頌  
無井橘故室吳羹有稻梁逆水雙魚多撥刺退  
風六鷁更迴翔劇怜世事兼身事咫尺殘燈意

渺茫

其四

誰將瓶缶餉虛空  
墻壁依然與我同  
生計烏枝依曉月  
世情馬耳過東風  
粧樓鶯語當春半  
禪榻花殘正酒中  
雪窖冰山無不可  
與君朝夕對芳叢

其五

風輪轉地劫爲塵  
猶喜皇天刺此身  
顧影自歌將進酒  
窮冬還賦惜餘春  
端居有疾憂非鬼  
空谷無聊喜似人  
比屋商聲出金石  
可知吾道未

爲貧

其六

長安也向日邊看矮屋雞棲仰面難  
窻雪可令長夜旦壺冰豈爲一人寒  
蟣肝無復堪砧几魚尾何曾戀竹竿  
北叟南翁居接戶始知憂患果無端

其七

鶴蓋成陰柳市頭金張趙李互經綵  
鄒陽下獄悲金鑠陸賈逢時歎石浮  
浮石沉木語見新語莫以鵝雛償腐鼠  
好將鴻羽換沙鷗江東舊隱西湖畔數

折溪橋一宛丘

其八

交疏窻閣暗傷悲  
腸底車輪攬夢思  
滿鏡新粧留半面  
堆奩濃黛約雙眉  
雪深深椽燭攤書夜  
酒罷銀缸擁髻時  
歸日胡麻正堪飯  
更須量畝種神芝

其九

心情蕭瑟稱初冬  
晝懶逢人夢亦慵  
日夕雞埒愁土室  
歲時脉柵羨村農  
絡頭是處皆牛馬  
假足何人比駟螭  
紫栢聲聞都未了  
法堂依舊五

更鐘

紫栢老人坐化獄中有偈云析聲未續鈴聲續誰是聲兮誰是聞却憶法堂鍾鼓候

古來竟夢更紛紜

其十

局趣真成轅下駒敢云世難恨爲儒紛紛戎馬羞稱老落落乾坤自覺孤雉雖有媒逢弩鏃鹿生無命繫庖廚朝來盟蹟臨青鏡他日何慚魯衛徒

其十一

丙舍經營拂水陽齋心筮易得歸藏漏春岸柳迴殘綠破臘江梅發古香鴻鴈計周謀稻黍鷄

鷓枝穩稱飛翔耦耕重訂高人約一段茶窠百

本桑

孟陽詩云何時鉏破東  
臯雨一段茶窠百本桑

其十二

每頌新詩可樂饑連牆却喜竝圓屏焚膏東壁  
分餘炤曝背西榮共夕暉落落比鄰如置社紛  
紛朋好欲忘歸亦知昔夢聊相似銅輦秋衾與  
願違

續次敬仲韻四首

有序

余在請室與敬仲司空比屋而居昏夜得句扣  
門索和僮僕相嘲曰乞火乎索米乎敬仲每屬

和輒出意表余告之曰不量彼已輕兵挑戰勇而無剛屢爲宿將所困天道後起者勝非獨戰之罪也願公執螯弧先登僕謹厲兵秣馬以待敬仲默默不應越數日忽出詩二十二首波騰泉湧首尾爛然燒燈呵硯次第和之已而笑曰敬仲之默而不應者示怯以誘我堅壁以老我也已而連章累紙絡繹見示者重兵以壓我驟出以窘我也敬仲於致師之法則巧矣黃池之役昏而戒令雞鳴而壓晉軍王親執枹鼓三軍譁鉦以振旅聲動天地吳可謂毒彥矣雖然盛

氣盡銳掩人不備固未可謂堂堂正正之師也  
余不知兵法不勒部曲免胄大呼獨身搏戰雖  
未能斬將褰旗視晉師之大駭不出周軍飭壘  
則固有閒矣自今以往交綏而退偃旗息鼓以  
避敬仲之顏行敬仲又將曰是其目動而言肆  
乎當更用何法以肄我也丁丑十月十六日  
跛足爭教欲上天筆床茶竈夢菰煙白蟬舊得  
藏身訣黃妳新繙却老編爾雅蟲魚休辨鼠離  
騷香草只宜荃丹鉛點勘紛成訟漏轉燈欹月

正圓

其二

偷得微生萬事慵  
灰飛緹室候初冬  
畢箕風雨難憑准  
枘鑿方圓費彌縫  
北郭先生生已老  
東家夫子子爲恭  
濁醪麤飯吾年事  
莫以山林羨鼎鐘

其三

寒空雨雪正霏霏  
枯坐西窗歎舉肥  
園土冰深知地降  
窮冬水涸與天違  
屢能適足何須截  
怕可蒙頭不解飛  
莫向崦嵫悲晼晚  
懸車猶足攬餘暉

其四

夜赤漫天亘曉暎關心象緯未堪論兔知霜降  
先營窟蟲爲苗蕃早蝕根壁上畫龍成底事夢  
中案鹿竟誰冤圓陞大有乾坤在司寐無勞報  
夕昏

生日詩三首

孫吏部

昌齡

百年胡不樂斗酒且相於莫歎山公啓今爲城  
旦書林風傳舊嘯窻雪映新居零雨將爲別題  
詩料子如

倪戶部嘉慶

輓餉紆雙管籌邊轉寸腸風霜諳下吏冰雪見  
清郎却掃韋編淨清齋梵筌香看君仍仰屋憂  
國意何長

劉司空榮嗣

湛璧難遮害塞莢幸告功若爲秦獄吏來議漢  
司空河伯憂方大波臣論自公憑將尊酒意一  
閒緯蕭翁

送何士龍南歸兼簡盧紫房一百十韻

崇禎聖天子帝德邁陶唐疇咨若余采共咬亂

紀綱鈎黨窮部牒告許登巖郎羣小競趣走翁  
若中風狂峨峨格天閣沉沉偃月堂聚族謀旦  
晚鎖門算昏黃手繕女奴跡足摩胥史牀諷指  
變鹿馬蜚語沸蜩蟬牢修旣告變朱竝復上章  
納言敢封駁投匭任披猖伊余退廢士杜門事  
耕桑十年守環堵一朝鎖銀鐙天威赫震電門  
戶破蒼黃詔紙疾若飛官吏什欲僵有母殯四  
載淒風吹畫荒有兒生九齡讀書未盈箱賓客  
鳥獸散親族憂以痒或有彊近者懼累遺禍殃  
目笑復手笑堅坐看戲場或有猙獰者黠鼠而

貪狼毀室謀取子壞垣隳我床揶揄反皮面謠  
詠騰誹謗唯有負傭流弛擔語盡傷唯有寵眉  
叟戟手呼彼蒼市人爲罷市僧院各炷香我心  
鄙兒女刺刺問東裝暮持襖被出詰朝抵金閭  
門生與朋舊逢蠅涌來四方執手語切切流襟淚  
浪浪惜我儻從弱念我道路長或云權倖門刺  
客如飛蝗穴頸不見血探頭入奚囊或云盤飧  
內鵠董寘稻梁七箸一不慎墳裂屠肺腸誰與  
警昏夜誰與衛露霜誰與扶跋扈誰與分劬勸  
何生奮袖起雲也行所當闔門置新婦問寢辭

高堂典衣買書劒首路何慨慷是時馮使君

元颺

送我臨京江逝將解符印從我俱存亡敬子執  
高節再拜舉壺觴江流怒飛立三山擺雷礮白  
日忽西匿青天爲低昂行行度淮水登頓相扶  
將弔古漂母廟祈靈岱宗陽杜亭賢主人

盧德水家

亭有杜

寄館仍異棖不憚開車載不難復壁藏窺

戶無停屨追踪多飲章歸死赴司敗垂頭就桁  
楊洵洵同文獄剜肌生痠瘍共莊籍口語曾史  
主盜臧百死無一免引義自激昂囑累皮與肉  
堅忍枝熬榜多謝老頭顱旦暮虎穴葬何生夜

草疏奮欲排帝閭黯淡蚊撲紙傾歆蜩成行殘  
燈焰明滅房心吐寒芒祖宗牖惚恍天心鑒明  
明眉山摘牙牌分宜放鈐罔執彼三屍蟲打殺  
銅駝傍孤臣獲更生朝市喜相慶吁嗟禍福交  
誰能保故嘗興會附蕭傅畏終叛呂防何以見  
魯衛徒然痛陳臧歎子一逢掖眇小少不颺秉  
鎖乞收李舉幡請留陽擬子於何蕃譜謀誠有  
光益冬家書來念母心不遑有憂食三歎矧乃  
情與翔星言卷衣被別我歸故鄉我欲繫子駒  
顧視心張張子行急師難子歸慰母望丹青或

可渝此義永不爽我欲送子去鐵門限堵牆園  
土無尺水何以當河梁我欲與子訣有如瞽失  
相駢蛩一相背嚙負徒仿佯攷思獄急日痛愈  
撫鉅創炙手勢轉熱彌天網高張叫閭遠萬里  
引刀恥自戕和藥趣朱游呼囚到王章黑暗牢  
獄苦炎蒸三伏煬矮棚棲鵝鴨糞壤轉蛄蜣臥  
熏腐齕臭渴飲伏屍漿夜夜入針孔朝朝坐劒  
鉞此日吾與爾志壹氣益強高論窮結繩和歌  
出宮商人生如嗜味患難宜飽嘗阮陳良亦樂  
在莒安可忘道遠兵甲阻歲暮雨雪雱單行寡

命侶寒驢艱服箱冰堅埽狐踪雪深埋鹿迹禽  
獸猶躑躅子行慎跌踢我行亦不遠歸心急鵠  
鷄介恃聖明主數日離火湯縱使荷戈受終  
然反菰蔣買舟具笮箸結庵依枕榔矯志厲桑  
榆與子共縹緲學詩辨四始識字探三倉頻年  
苦病患學殖日以荒我欲師甯戚秉燭代日光  
勿復慕富貴時世難頡頏引鏡看頭目豈是鼠  
與麀勿復憂貧賤順逆隨牛羊譬如死牢戶誰  
以軀命償拂水有丙舍青山抱長廊老桂長新  
枝江梅發古香君歸持此詩灑埽揭東廂解鞍

憇杜亭先以告紫房

渭南梁生爲余寫真題二絕句

顛悴南冠冰雪晨  
天庭黃色自生春  
憑君摹寫胥靡樣  
可是商家夢裏人

其二

畫得漁翁貌不肥  
春愁鶴髮正依稀  
君家渭水南頭住  
爲我平添舊釣磯

趙璧

趙璧連城貴蘭花有國香  
猶堪傳脂粉三十侍  
中郎

送陳生崑良南歸

席帽疲驢問牖城風饕雪虐淚縱橫夜闌秉燭  
知何地酒罷扶床感再生只有寒燈隨我住且  
將歸夢伴君行棘林漸解彌天網道路悠悠莫  
愴情

寄許文玉

敢謂前賢畏後生紀羣交誼古人情家庭實有  
晨昏助鄉里虛傳月旦評貰酒悲歌憐北寺明  
燈布席想南榮啼猿唳鶴君休歎并與嚶鳴作  
友聲

寄侯豫瞻督學江西

水鑑清時吏部郎持衡專得典文章濯腸篆籀

吞江水炫目蛟龍矚斗芒勵俗蒸嘗先兩廟

南昌

康郎兩忠臣廟採風詞翰繼三王停車五乳峯前院爲

我重拈一瓣香

慈山大師芥廬山五乳峯下

華州郭胤伯過訪

君是郭林宗衣冠見慕同偶然來朔雪相對感  
流風舊論城南在新圖冀北空嚴更憐促別愁  
坐燭花紅

五芳井歌

丙子之秋虜再入旁午軍書刺閭急獨石邊牆  
一夜墮赤縣黃圖少完邑定興小邑大如斗登  
陴死爲朝廷守羊馬城前礮火飛蝦蟇車上雷  
聲吼肉薄登城踏積屍麗譙漂血巷流脂狼藉  
滿城忠義鬼骨撐骸拒知爲誰君不見奉嘗鹿  
大夫奮髯嚼齒誓羯奴峨冠整衣抗白刃至今  
衫袖血模糊又不見范家五芳井婦姑母女同  
素纆俄頃芳魂斷轆轤千古寒泉見形影胡兵  
宵遁三輔清乳燕連窠枝半傾大開明堂論爵  
賞帷籌廟算皆公卿朝家彝典有倫次先策功

勲後節義金貂石卵如等閑  
愍綸綽楔非容易  
奉嘗碧血埋荒丘  
五芳井水空悠悠  
尚書不肯判紙尾  
詞臣何處書  
詞頭吁嗟乎忠臣烈女心  
赤苦魂魄猶思婦  
胡虜人閒金盃幸無恙  
井底銀瓶何足數  
老夫觸事淚滂沱  
偏塞決瀾一放歌  
此身不共奴酋死  
忍死幽囚可奈何

張將軍

全昌

挽詞二首

醜虜游魂在雄邊  
宿將稀將軍今又沒  
部曲竟何依  
恨不沙場死  
還從馬革歸  
可憐臯某復猶用舊征衣

其二

赤血真堪灑丹書未肯刊死填牢戶易生拔賊  
營難不汗逾三日無錢買一棺蕭蕭廣柳出易  
水正風寒

戲題萬戶部小像

萬一目偏盲偏頭人故督師世德之子

目送歸鴻故自難傳神正向此中看荊州恰好  
添飛白子夏何妨戴小冠公子秋風思北渚孤  
臣落日望長安籌邊蕩寇傳家事屈指沙陀舊  
將壇

若活一百年

三春赴追捕皇皇喪家狗入夏禁牢獄兀兀困  
械枉仰屋棲雞埒負牆坐土偶欲行蹙其足欲  
言啗其口朝飧棘喉飯夕飲攢眉酒憂來頻擗  
胃悸甚輒捧首領嘗難管腰卯或不保酉如此  
一歲生可抵一日否陰獄強過活鬼趣預消受  
歲月良亦多此歲何必有六十甲子中譬如闕  
丁丑若活一百年只算九十九

如此過兩年

兀坐牢戶中日長苦迢遰四季皆慘悽六時自  
鉗鉉三伏有煎熬八寒無代替有日天蒼涼無

風氣陰曠晷短方偃息夜永又隳墜墻屋鼠啣  
啾床第鬼排擠生憎日輪出長患天門閉矛頭  
豈容浙戶限何當憇遥遥度一日當以一歲計  
暫看杯度別瞥見銅人製二百八十日強半彭  
祖世如此過兩年便算八百歲

昔我年十七

昔我年十七鼓篋游博士文章吐陸離衿帶垂  
旖旎朝英啓夕秀粲若嫩花榮壯盛迫婚宦憂  
患自茲始荏苒四十載隻身攢譽毀羅網高於  
天性命薄於紙皇天可憐我如禾秋蕤蕤健如

續上樹壯若駒未齒今年五十六從頭自經紀  
餘年爲再生故我如已死判將四十年捐付東  
流水天道周而復明年十七耳

次韻荅潘朗士員外投贈

物論喧呶混狶苓將車盡日歎冥冥誰思灼艾  
醫龍病但解堆鹽刻虎形減死蔡邕仍續史  
冬劉向又傳經莫憐幽爻論垂釣貫索中間有  
客星

其二

圓扉地北限天南只似雲堂未放叅一夜烏頭

虛變白三生鴻爪誤精藍小兒未許呼中令上  
客真成解左騷宋玉可能傳帝筮修門客易向  
江潭

新阡八景詩

并序

拂水回龍

南條之龍萬里度江自沙山而香山而虞山結  
爲縣治東爲馬鞍山其中枝繇拂水巖蜿蜒弭  
伏落脉於此故曰拂水回龍

虞山南戒一枝來騰踊龍身萬里迴奔向馬鞍  
鱗爪去點成鳥目眼睛開

虞山一名鳥目山

含珠四海

濡泉壤銜燭千年炤夜臺長灑天河降時雨噓  
雲膚寸起風雷

湖田舞鶴

尚湖之臯溝渚回復登山睇視儼如鶴舞唳  
奮翮正向新阡父老有龜去鶴來之識斯當之  
矣故曰湖田舞鶴

乳水神臯接墓田仙禽遺蛻正依然梳翎彷彿  
飄蘆雪閣脰依微印渚煙華表月明吭竝引丹  
丘雲白影相連在陰夜旦占鳴和鳳舞休論五  
百年

石城開幃

拂水巖之西厓石削成雉堞樓櫓形狀備具所謂石城也列屏列幃尊嚴聳起阡之主山也故曰石城開幃

石城峯下起佳城百仞丹厓見削成錯列垣墻天市近縈迴閣道帝車行雲開雉堞曾樓曉日落旌旗萬馬迎御望朝山爭矗立叅差簪笏似天平

箭闕朝宗

陽山箭闕相望百里而遙插立天外如向如拱

以圭景之法取之不失秒忽所謂真朝特來也故曰箭闕朝宗

百里陽山拱墓門歆雲吐景候朝昏羣峯離立兒孫秀大石中央几案尊箭闕風生旅矢報郊臺月出火城繁陽山有吳王拜郊臺憑高窮覽南條勢江漢朝宗爲汝論

沓石叅天

三沓石與石城諸峯錯峙沓石虛崦拂水懸流其上又曰三台石亦主山之侍從也故曰沓石叅天

拂水高巖近斗魁下臨沓石倚崔嵬漏穿嵐彩  
晴飛雨噴薄泉流蟄起雷嶺駐龍車雲滃鬱峯  
邀蟾駕月低迴綠章擬奏三階事午夜懸厓禮  
上台

曾湖浴日

西湖一曰尚湖師尚父垂釣處也彌望環帶繚  
如周垣水遶雲從日月出入此明堂之巨觀也  
故曰曾湖浴日

浴日晴波漾六時丹淵若木影參差馮夷鼓趣  
羲和馭尚父湖通潮汐池蕩洗暮頤消薄蝕養

成鳥羽作明離掛弓尚許清遼海欲向扶桑借一枝

團桂天香

桂叢有小閣斥爲隧道八樹蒼蒼與松楸竝列  
余少嘗夢臥月宮炤徹肌骨視其扁曰團桂閣  
之所取名也故曰團桂天香

八桂團團霜露叢夢回禁扁映新宮三秋落子  
金波裏一夜飄香玉魄中月斧自能修筠窈窕  
輪端合炤青葱姮娥不惜分靈藥長發新枝助  
化工

紫藤衣錦

老藤連蜷託根墻下穿穴面勢用爲指南三四  
月閒紫花相繆炤曜蒙蒙真吾家錦溪中物也  
故曰紫藤衣錦

溪藤迴伏類牛眠布萼飛英綺樹連落落松楸  
如有喜紛紛蘿蔓媿高懸天清羽葆施丹彩日  
煖流蘇覆玉煙應笑婆留老孫子還將錦綉裹  
山川

山莊八景詩

有序

錦峯晴曉

嚴文靖公之祖墓今爲阡之左沙其傍有錦峯書院去山莊一牛鳴地畫舫蕭鼓游人絡繹而三春尤盛

錦峯雲物近平泉烏榜紅欄咽畫船寵柳嬌花新節序探珠拾翠小神仙明粧影奪山頭樹急管聲翻水底天語燕正忙鶯又囀莫辭中酒落花前

香山晚翠

香山一名顧山去山莊三十餘里江上諸山皆橫屬於山莊之西而香山爲近虞山來龍處也

今又爲護山

夕陽樓畔坐簾櫳橫抹香山暮靄濃江上餘霞  
拖半紫雲頭落日逗殘紅秋原桑柘千村影春  
社牛羊一笛風西崦人家未昏黑席門燈火候  
歸翁

春流觀瀑

山泉縣流自三沓石下垂奔注山莊匯爲巨礫  
今旋折爲阡之界水遇風捍勒逆激而上則所  
謂拂水也

拂水縣流萬壑連空山一夜響飛泉奔爲足練

垂三省挽作銀河向九天風急蛟龍看噴灑月  
明琴筑聽潺湲老農未辦爲霖手抱甕朝來省  
灌田

秋原耦耕

山堂之名耦耕爲余與孟陽結隱於此也今改  
築於墓田之左仍揭其額以招孟陽

罷亞風吹百頃香秋原正面耦耕堂宿田爲我  
鉏耰芳卒歲輸他穫稻梁黃犢烏犍經國具水  
車秧馬牧時方輟耕丰酒還相勞耳熱休歌種  
豆章

水閣雲嵐

秋水閣負山面湖山莊實經始於此今茲丙舍  
盡改舊觀獨此閣歸然如故

月觀風亭夜半舟依然簾額夕陽樓江邊水寨  
餘荒壘天際郊臺沒古丘梯几山容分向背凭  
欄雲物變春秋釣磯只在漁灣畔閒看晴湖下  
白鷗

月堤煙柳

墓之前有堤回抱折如肉環彎如弓月士女絡  
繹嬉游如燈枝之走馬花柳蒙茸蔽虧如張帷

幕人呼爲小蘇堤

月堤人竝大堤游  
墜粉飄香不斷頭  
最是桃花能爛熳  
可憐楊柳正風流  
歌鶯隊隊勾何滿  
舞鴈雙雙趁莫愁  
簾閣瑣窗應倦倚  
紅闌橋外月如鉤

梅圃谿堂

秋水閣之後老梅數十株  
古幹蚪繆香雪浮動  
今築堂以臨之  
左右有長廊修竹小橋石礧皆  
梅之館宇也

梅花村落傍漁莊  
寂歷繁英占草堂  
雀啁寒煙

翻略約鶴窺素豔繞迴廊過墻月亞疎枝影度  
水風含別磧香傳語緣堤桃李樹好將穠麗報  
年芳

酒樓花信

酒樓直山莊之東平田逶迤晴湖蕩漾北牖直  
拂水巖寸人豆馬叅錯山椒紅粧翠袖移動簾  
額月堤酒樓此吾山莊之勝與衆共之者也

花厭入高樓酒泛上庖登樓共賦豔陽詩人間  
容易催花信天上分明掛酒旗中酒心情寒食  
候看花伴侶好春時穠桃正倚新楊柳橫笛朱

欄莫放吹

歲暮懷孟陽

松栝藏門數畝宮  
耦耕堂上兩衰翁  
更無生計千頭橘  
尚有殘生半樹桐  
堆積新愁黃葉雨  
耗磨舊事白楊風  
天南地北相思處  
約略寒燈一燼紅

除夜示楊郎之易是應山忠烈公長子

叫闌十載動宸旒  
歲晚京華尚旅愁  
爲問敝衣淹邸舍  
還如乞食上譙樓  
青袍白馬誰家子  
赤舄朱提何處求  
愧我空憐廉吏後  
負薪歌罷自

搖頭

牧齋初學集卷第十三

試拈詩集

起十一年戊寅正月盡七月

獄漸解頌繫待放五月二十四日以火災肆赦遂得出東坡蒙恩責授詩云却對酒杯渾是夢試拈詩筆已如神故以試拈名集聊用志喜

戊寅元日偶讀史記戲書紙尾

夢迴旭日射窻明遷史才繙午箭更笑殺蕭何與周勃可將獄吏換公卿

其二

贖背千金獄始明吹簫織薄可憐生北軍左袒  
倉皇日七尺爭如冒絮輕

其三

絳侯繫急漫嗟吁又見工官坐亞夫父子將兵  
俱百萬敢從獄吏鼓囂胡

其四

漢家爭道孝文明左右臨朝問亦輕絳灌但知  
讒賢誼可思流汗愧陳平

其五

秦時刀筆漢三章械繫歸來兩鬢霜聞道青門

方會客種瓜五色曜朝陽

其六

南鄰有客醉呼盧笑指圓狴作酒壚愧我不如  
曹相國後園張飲應歌呼

華山廟碑歌題華州郭胤伯所藏西嶽華  
山廟碑

關中汲古有二士郭髯趙岫俱嵯峨

趙岫字子  
禹盤厓人

集錄金石著  
石墨錫華

伊余南冠繫請室攤書晝臥如中

魔郭生示我華山碑欲比七發捐沉疴展碑撫  
卷忽起坐再三嘆息仍摩挲桓靈之際文頗盛

六經刻石正繆譌開陽門外講堂畔車輛觀寫  
肩相摩鴻都學生競蟲鳥宣陵孝子羣鸛鵝石  
渠白虎事已遠皇義篇成世則那此碑傳自延  
熹載石經未立先鐫磨丈人行可逼秦相一飯  
禮本先光和郭香香察未遑辨

洪适云東漢循王莽之禁人無

二名郭香察書者察非他人之書爾小歐陽以爲郭香察所書非也

但見濃點兼

纖波鋒刃屈折陷鐵石斬巖高下連巖嵯古來  
書佐擅筆妙後代學士徒口呿久嗟石趺毀鼎  
負却喜紙本纏蛟蛇墨莊舊物落髯手如出周  
鼎獲晉犧身領僮奴雜裝治手與心眼爭煩接

靈樞湘帙巧純緣史明牙籤細刮磋

惠靈樞史明郭氏僅

也

收藏定可厭鄴架鑒賞况復窮虞戈我昔遣

祭入太學肅拜石鼓拂白科依稀二百七十字

維鯁貫柳存無多晴窻歸櫺古則卷

家藏石鼓文是趙古

本則

按節自誦昌黎歌去年登岱訪古蹟開元八

分半驚蠹俗書刊落許公頌爛班漫漶餘蝓蝸

風霜兵火恣殘蝕此本疑有神護訶聖世文章

就燼熄珠囊儒雅失網羅儻書不顧經若典破

體豈論隸與蝌兔園邨老議軒頡乳臭兒子評

丘軻蹠駁指日還見十囂凌祀海寧先河少小

亦思略識字沉淪俗學悲喝唆况聞中原戰羣  
盜盜竊名字紛么麼搜金剔玉殫屋壁崩崖焚  
闕傾山河汲冢書門徧烽燧祈年岫嶺難經過  
每憐耆舊委榛莽誰集金石凌坡陀郭髯連蹇  
趙岫死老夫頭白空吟哦還碑梯几意恹恹髯  
手髯平柰爾何

松談閣印史歌爲郭胤伯作

六書繆篆用摹刻大者符璽細印章崩崖古隧  
取次出鏤金琢玉爭弃臧闕中郭髯最好古十  
年收討盈篋箱部居州亂作譜牒編次緗帙盛

縹囊璀璨丹砂炤蟲鳥錯互金璫堆琳琅攷正  
職官本二史貫穿訓故窮凡將竊取正用史家  
法豈玩小物塗朱黃憶昔先朝席豐豫符瑞  
紛沓徵禎祥河清鳳見屢奏賀王璽又報來臨  
漳先帝親御文華門制詔臣下風四方千官  
鶴列瞻負宸衝牙雙瑀聲鏗鏘中官屹立當御  
座插冠貂尾加金璫紫泥封圻青囊解金銀賸  
組綰輝煌臨軒手持四寸璽俯示陞城周兩旁  
槃龍紐螭弄掌握衫袖炤燭回虹光侍臣代奉  
傳國寶殿中不用尚玉郎鴻臚傳制百僚賀文

曰受命壽永昌朝罷君臣咸燕喜南面竝進南山觴豈知瑞應不虛見中興天以授我 皇郭君此書精且良曷不首勒玉璽圖訪問禮官摹尚方如服有冕網有網蠅頭細字注幾行吾詩附璽垂久長命曰印史非誇張春秋之義微而彰

人日

人日嗟何日題詩憶草堂容顏獄吏惜時序老夫傷好事如花少愁心竝柳長不知分勝侶若箇話蕭郎

茗上吳子德輿次東坡獄中寄子由韻作  
丁丑紀聞詩六首蓋悲余之逮繫而喜其  
獄之漸解也感而和之亦如其前後之次  
銀鐺影裏見殘春悵恨登朝未殺身禍遘隱章  
知漢法行逢贈策感秦人途窮漫浪謫山鬼獄  
急倉皇禮嶽神金馬多生餘諍論欲臨流水證  
前因

其二

酷日酸風竝慘悽路長人極馬頭低孤身豈合  
投豺虎三物何當詛犬雞婉變更無臨市妾顛

狂猶有送行妻蒼茫汶泗交流地薄暮祇疑湘  
沅西

其三

隕霜猶自望回春丰極誰收趙壹身已分殘生  
餘有幾更將窮命乞何人市朝到處逢魑魅狂  
狴中閒仗鬼神不信古來鉤黨事刊章錄牒正  
相因

其四

八寒陰獄夏淒淒破壁殘燈白首低一夜霜天  
愁唳鶴五更風雨悔鳴雞捐生聶政今無母先

死王章尚有妻准擬圖形屈原廟墓門何用刻  
征西

其五

刀頭劒首度冬春欲殺何當有百身信到憐君  
猶作客詩成知我尚爲人經繙北斗禳妖祲歌  
闕南薰禮獄神如此累臣無不可經年頌繫亦  
何因

其六

餘年吟賞莫淒淒水閣玲瓏礪戶低茅屋每棲  
春社燕山邨嘗報午時雞蓬頭豈必慙兒子染

髮祇應媚小妻歸去臨風謝知己扁舟應在五  
湖西

做元微之何處生春早二十首

何處生春早春生美目中凝愁成淥水流笑與  
光風微眇防眉覺會波託鏡通不堪朱碧思含  
睇向芳叢

其二

何處生春早春生巧笑中開顏鶯曉曉失喜柳  
惺惚蕙葉分多碧桃花破小紅如臯君肯御翳  
雉候薰風

其三

何處生春早春生眉黛中笑能舒柳簇顰欲瑣  
蘭叢秀色描偏淺愁痕掃不空劇憐粧鏡畔便  
面又東風

其四

何處生春早春生髻髮中柳眠全約略花妥半  
髻髮髻重和雲櫛梳輕向月攏更衣恩寵在搔  
首恨飛蓬

其五

何處生春早春生靨輔中含嬌頻送態薄怒乍

舒紅膩理停蘭澤流光轉蕙風施朱與著粉評  
泊任墻東

其六

何處生春早春生好口中含桃欺齒白編貝逗  
唇紅房露清歌引幽蘭絮語通晝長頻咳嚏錯  
莫喚雕籠

其七

何處生春早春生皓腕中含情向機杼抱影守  
去房櫳峭倩寒蔥削溫柔稚荀籠自憐工織素  
纖指訴流風

其八

何處生春早春生素足中鳥交會滅燭屐跼不  
禁風草惹裙腰綠蓮移屐齒紅刀頭嗟未見新  
月似鞋弓

其九

何處生春早春生睡起中蘭心方的的柳眼正  
濛濛寬弱渾難定身蘇旋欲融不如還昵枕殘  
夢在房櫳

其十

何處生春早春生新浴中煙凝腰柳碧雨注靨

桃紅脂澤流香煖鉛華澣水融竊窺猶未得况  
復與君同

其十一

何處生春早春生翠袖中憑闌寒食雨却扇杏  
花風掩抑紫飛絮低迴數落紅遠山看未足延  
佇畫廊東

其十二

何處生春早春生羅帶中輕塵看出水促步想  
當風錯互桂櫻飾禁持相服紅薄裝誰解得雜  
珮正叢叢

其十三

何處生春早春生窮袴中  
明燈知護惜閨夢記惺惚  
密意繁多帶驚魂託守宮  
殷勤問啼鳥花信幾枝紅

其十四

何處生春早春生錦被中  
芳香留半臂蘭露泛熏籠  
一夜穠花發五更啼鳥空  
生憎唐畫史只爲獨眠工

其十五

何處生春早春生寶鏡中  
黛眉分鬪翠花靨互

呈紅炤罷愁相妬粧成訝許同巡簷聽鵲喜雲  
髻欲新攏

其十六

何處生春早春生角枕中梢頭花簇簇拂鬢錦  
叢叢面澤承權裛唇脂竝口融可如郎臂好轉  
側任西東

其十七

何處生春早春生刺繡中停鍼花竝發紉線鳥  
相蒙密樹鋪重碧斜陽綠斷紅流黃慙久晦刀  
尺爲誰工

其十八

何處生春早春生簾幙中參差依蠟燭幕歷張  
輕風鶯子能嗔妾楊花會惱公衫前復扇後閒  
殺畫橋東

其十九

何處生春早春生小院中梨花能駐月蕙草欲  
沈風拂水臨粧鏡香山薄綺櫳不愁桃杏盡堦  
藥又翻紅

其二十

何處生春早春生畫舫中花迎千嶂碧柳掩小

橋紅溪女憐新霽菱歌愛晚風西施舊明月偏  
照五湖東

書四靈詩集

語近意不遠骨癯髓亦枯誰云賈島佛終是鄰  
家奴

戲書梅花集句詩

本朝沈行童號  
集各三百餘首

褐衣那得綴天吳折鐵精鏐共一鑪要與梅花  
添火伴差排何遜配林逋

春夜讀漢書寄南海陳侍郎

殘書讀罷夜潭潭坐見辰星過劒函文帝自能

還過應紫陌看花况值劉炤眼緋桃驚星角開  
顏綠醕熨眉頭前期共有西陵在露酒尊羹正  
可求

贈胡泌水

甲第軒車互却迎萬人如海隱王城五侯席上  
支頤坐丞相門前掉臂行突兀高樓看鼠墜嵯  
峨老表算狸烹談天欲杜昆耶口午夜燃燈禮  
淨名

送曲周路侍御之官中州路會抗疏爲余  
伸雪牽連謫官

臺栢空餘一院陰清時珥筆正如林靜臣豈爲  
移官慮明主安知護法心客路孤花如我在  
天涯芳草爲君深梁園自古風流地顛顚休爲  
逐客吟

其二

舉網謀成嘆彼驕杭章投劾荷清朝青衫去國  
君恩重白首全生物論昭海內灰心論碩果班  
行指口戒川椒與君更有前期在汗簡牽連未  
寂寥

題宋徽宗杏花村圖

宜春小苑春風香宣和闕殿春晝長帝所神霄  
換新詔江南花石催頭綱至尊盤礴自游藝宛  
是前身畫師製歲時婚嫁杏花村桑麻雞犬桃  
源世杏花村中花冥冥紆千山雀羣飛鳴巾車  
挈篋去何所無乃負擔趨青城君不見杏花寒  
食錢塘路鬼燐燈檠風雨暮麥飯何人澆一盂  
孤臣哭斷冬青樹

夢與李長蘅談詩長蘅口誦一絕句嘆其  
清婉有味云是湖州董伯念登第後有寄  
作也覺而記之

舊巢雙燕到依倚風入疎窻燭淚肥短雨輕寒  
催曉夢夢中渾未著朝衣

徐娘歌

徐娘二十絕代無當場一曲千明珠小妹鳳生  
恰三七輕粧薄悅雙雙出肩摩檐壓篙櫓橫半  
塘水沸山隄平清歌緩舞廣場寂千人石上無  
人聲風流徐郎字夢雨

徐于詩互見前卷

一見覓銷足

不舉油壁青驄竝載歸連枝共命交相許多情  
多病轉堪憐最是清明寒食天楊柳風前行藥  
坐海棠樹下對花眠相送却回凡幾度暗別偷

啼更無數玳重叮嚀囑歌扇護惜頻煩寄窮袴  
離筵我賦送春詩更與新翻柳絮詞津逮軒中  
低唱夜初平石下踏歌時徐郎笑噱還相向在  
旁惟爾曾知狀長將皎日留誓盟縱及黃泉肯  
相忘豈知人世不相於共命拋離連理虛三秋  
司馬纏綿病一紙蕭娘決絕書小樓窻前齊女  
墓婁江卽是天河路空餘白骨裹秋衾拌爲紅  
顏卽朝露淒涼此事十餘春取次沉吟淚滿巾  
白楊荒草知何處况復嬌花帶酒人燕山糧艘  
高於屋鶯梢燕乳樓船腹將軍組練白差差小

婦榴裙紅簇簇五日蒲榴正舉杯有人玉帳寄  
聲來因知河上凌波女曾向江頭行雨回殷勤  
慰問南冠客髣髴新添幾莖白聊搏角黍祝團  
圓更炙王餘勉餐食白頭殘客重咨嗟舊雨新  
愁恨似麻已分歌殘吾谷樹更堪哭損馬塍花  
十年一夢如宿昔往事如風豈堪摘小鳳公然  
作阿婆夢雨荒庵更第宅我囚君嫁不爭多  
穠心情可奈何禁城暮雨瀟瀟夕還想吳娘一  
曲歌

有感寄侯繕部

設羅門巷省誼譚公叔文成每自嗟

謂朱公叔絕交論

對影攢頭如縮蝟向人張口似神鴉養成叢棘  
終爲刺鋤過芳蘭可作花歎息要離墳畔土他  
年真欲累侯芭

題大鳥圖

五月二十四日出獄爲居停主人題

漫道昆明有劫灰蒲陶苜蓿至今栽不知此日  
乘槎客誰見條支大鳥來

送詹葉二御史赴南臺

本朝風紀出留臺况復臨軒御遣來攬轡風  
生新諫草之官霜肅舊宮槐  
恩高闕千年在

烽火西陵一夕迴

吳志楊都賦注曰孫權時合暮舉火西陵鼓三竟達吳郡

沙南月出衣冠猶在眼綠章先許奏堦台

其二

帝遣雄班重鎬京一臺二妙遂先鳴旁求容易  
招胥靡拔茹頻煩說彙征碩果摘餘嗟老圃豆  
萁落盡笑躬耕法星近炤江天畔寂寞衡茅覺  
夜明

二御史皆抗疏劾薦故云

平臺行記

聖主能容直臣也

五星順軌火不驕寇降虜讐邊烽銷舜臣五人  
同日舉延登受策光聖朝平臺召見亦何意

時谷不厭博且勞 聖主清問霽顏色 詹臣抗  
對于雲霄禁中語祕世莫曉君門萬里真岩薶  
但傳優容出 天語 君明臣直聞衢謠唐天  
未許排門闖漢代誰當應鼓妖秦王學士時難  
見金吾老將何寥寥嶙峋折檻何足羨平陵槐  
里成蓬蒿窮巷悄然斷車馬流傳盛事心煩囂  
老夫未敢歎秋雨臥聽笙卷三重茅

次韻答項水心宮諭見贈

夕陽亭下車祛祛離筵班馬相躊躇爭看弱葉  
墮煙海豈有腐草枝方輿離離莠在娜訾口綿

綿瓜蔓昆吾墟郢水膠清和狼毒蓬池鱸美烹  
蟲蛆瀛洲亭子開馬肆柯亭劉井今何如爰絲  
居家隨走狗孫弘罷歸仍牧豬烏頭馬角何足  
歎頭白始解看殘書齒折何當廢歌笑項稿正  
可供糲糲松江蟹肥思魯望蘇臺木落悲靈胥  
一籠天地敢跼蹐兩丸日月窮居諸招邀青山  
入庭戶誘引秋水浮堦渠竹間花下肯相訪預  
戒老鶴迎巾車

玉堂雙燕行送劉晉卿趙景之兩太史謫  
官

玉堂畫煖薰風香雙雙燕尾搖倉琅背飛竝映  
銀花勝託宿交棲玳瑁梁感君恩重巢君幕顧  
影呢喃前復却何當鳴梧比丹鳳且願銜花效  
黃雀啁哳辭歸未忍歸差池掠羽試雙飛風迴  
鈴索聲猶在日過花塲候已非珠簾十二秋風  
促蘆雪蕪煙何處宿明年社日蚤歸來籬口街  
泥補君屋

姬太僕墓道歌

華州城南七尺墳渭水縈紆遶墓門  
劈華巨靈難深恨竝闕仙掌與招魂  
冢中碧血爲乳潼扶

養松楸作梁棟秦地爭看下馬陵  
雒陽尚說思鄉夢廬山起冢竝  
崔巍雍門鼓琴何足哀冢側  
正須何點住植花澆酒爲君來

送楊侍御休沐還武林二首

鱸堂盛事記銜魚畫繡爭看著繡衣  
楚國椒蘭資獻納秦人雞犬慰鄉閭  
辰山月白開醺酒西水雲深蘭洞書  
見說川源桃萬樹春來齊發子雲居

其二

清時休澣有餘忠丹地青蒲夢寐中  
江漢驚烏

啼夜月沅湘香草哭秋風五溪衣服雲山別三  
楚兵車乘廣同莫待還朝方入告早襄黃閣奏

膚公

侍御武陵樞  
相之叔也

送任侍御巡按吳中二首

鷹隼秋高刷羽翎爭傳風簡下青冥遙看牛斗  
消氛祲先向虛危候德星螟蟥化爲霜雪氣魚  
龍不動海波腥採風願奏吳趨曲驄馬歌謠處  
處聽

其二

帝爲東南減膳殮捐租加賦詔頻煩夏周七浦

資渠市單郊三江待討論析木帆檣輸北極扶桑島激護東門吳宮稻蟹應無恙莫忘飛章慰至尊

王郎行贈王昺都尉

王郎謫來帝所賓瑤腑璿枝國懿親黃扉近接天孫館清構遙通婺女津晉陽甲興虜氛惡抗顏掀髯壓臺閣吳王白頭悔舉事漢相頽顏羞振落都尉掌宗人府力性唐藩之議政地障之祇今七十仍壯年綠髮方瞳陸地仙燒丹藥有君臣火好客囊無子母錢王郎王郎亦癡絕束賜千卷眉百結滿堂

歌吹慘不歡但爲匈奴猶未滅

題劉宮諭畫三首

春山得春山氣長瀑布奔流幾千丈山僧濺衣  
古寺中行人拂面溪橋上噴壑奔雷日夜忙愁  
傾銀漢瀉天潢白雲衝斷青山在始信人間有  
石梁

右春山觀瀑圖

秋光如水秋天半南山高稜見書案高樓圖史  
稱蕭閒下界丹黃自紛亂遠浦維舟傍夕曛兩  
翁相對話溪雲知無世事汙君耳樓上書聲聞

不聞

右秋山讀書圖

幽都冰雪夜可有一枝春驛使何當發吾將贈美人

右墨梅

次韻答王芥庵戶部

舊雨悲將別新知樂未皇風雷徒自作弦朔正相望地肺虛靈異天心尚角芒南冠猶唁楚北牖獨歌商閭記輸王粲清評服許將涼風吹灑落白月炤清揚鹿訟嗟牽率雞占笑苦傷山人

聊衣白使者或車黃酒券賒文籍詩場擅鼓簧  
慙無蔡邕贈執筆重傍徨

文中書啓美入直武英二首時 上命侍  
臣較正御屏輿圖兼改定琴譜

才子承恩供奉時抽毫長對萬年枝千門萬戶  
張衡賦盧橘蒲陶李白詞應制大官分酒膳賜  
金宮女損胭脂 君王省識鑾坡事三嘆家聲  
在鳳池

其二

禁殿深嚴翰墨香地圖琴史卽封章屏開禹跡

圍諸夏譜叶虞弦動四方聚米山川籌朔漠採  
風歌曲按伊涼金門尚有台階奏敢倚談諧侍  
漢皇

登封歌爲王芥庵贈其尊人

主稱千金客奉酬高歌擊筑燕市頭道心籬下  
見黃菊俠氣霜前凌素秋美君長髯不碌碌每  
笑腐儒何狗曲秋原俠少輸臂鷹春社兒郎解  
分肉嵩山王屋舊天壇小駐人閒亦未難他時  
天子登封日投謁驚看靖長官